

Hwìè Mu Đé Gèdèpòò Gboe





Kpoo kɔ́ cée-dɛ̀ nìà ke m̀ Bódó-kpàà Mísídnédè Cée-dɛ̀ Cée-nỳd̀ bɛ̀d̀. Cée-dɛ̀d̀ nyuu-nỳd̀ m̀ Wodóó Sédjè Gúúmè. Cée-dɛ̀d̀ kpààd̀ nyu-nỳd̀ m̀ Edúín B.Waḡé. Cée-dɛ̀d̀ dyi-dyé-dɛ̀ bɛ̀d̀ me-nỳd̀ m̀ Méwèdè Èséwìin. Gm̀d̀ cée-dɛ̀-̀m̀i bɛ̀è kɔ́ b̀è ìn ḱé dyi-dyé-dɛ̀ bɛ̀d̀ d́jé bɛ̀ dyé. Wa m̀, 10, 12, 14, 16, 27, 29, 39, 41, 42, 44, 46, 47, k̀è 48. Z̄5 m̀à 2011 ke, kpoo m̀à Bàḡítà kee po ma cée-dɛ̀ nìà ke Bàsò-wùḡùun.

GÈÐÈPÓÒ NYU À BÓÐÓ-KPÀÒ 1

KÈ ÐE SÉÍN NÌ CÍÉN NYE

“Ðé ðe dè gbo múe, Gèðèpóò me zǒò dyòò kè bódó-kpàò.”
—Jénésì 1:1

“Sepóedé dyìn dé ɔ múe, Gèðèpóò me ma ðe séín bě nìà dé dyóún wě kè ɔ nyo bě nìà bódó-kpàà kǒ.” —Kòdósìà 1:16a

“Bounbo mò nyo meà dyòò kè bódó-kpàà kee me po bě mana kǒ. Dyòò nìà déé dé dyííe, Bounboò dònùn mò nyo kǒò, kee ɔ nyí bódó-kpàà nyoǔn-dyù.” —Wédé 115:15, 16

Bódó-kpàà hwè ma mú ké Gèðèpóò nyíe ma nyoǔn-dyù. Zà cèè-dè nìà ke wuquún bé m̀ ké ðe kpá kee dyé.

GÈḐÈPÓÒ MÈ À NÌÌN



“Hwè ké Gèḑèpóò cēe ma, ké ɔ ḑá, “Běà mē nyɔŭn-dyù, bē wa ké nì kà bēà nìà ke, bē wa ké zimii bēò kè naà bēò kè nyúà-ḑè bēò kè ḑe kàìn sèín bē wa nà bódó-kpàò kō dyie ɔ kè bódó-kpà gánád [kpé] wuḑuí kò.”

—Jénésì 1:26

NYOŪN-DYÙ DÈ MA CĪE GBO

3

“Hwè ké Bounbo Gèdèpódò me ma gàa sòin dè bódódò púu-púuò mú. Ké ɔ fòin ma fèè fò-fò dè ɔ máná-bìdò mú, ké gàaò dè ma cĭe gbo*.” —Jénésì 2:7

“Hwè ké Bounbo Gèdèpódò cĕe ma, ké ɔ dá, ‘ɔ se dyiin nòmò bé gàaò dònùn ké nì. ɔ jèee, ní mu gbo-kpá-nyò dò bé ɔ kèdò kè wĕin dyíee nyuùn bó ɔ bì.’ ɔ jèee, Bounbo Gèdèpódò nyue ma bé gàaò ké ma nyíɔ vènè dò mú kpá. Ti bé gàaò nì ma nyíúun wĕe, ɔ zà ma bó ɔ wáá-sè-kpàdò dò, ké ɔ kã ma fòdò dyí dè. Ké ɔ nyu ma wáá-sè-kpà bé ɔ zà ma kà gàaò wáúun wĕe màa mú, ké ɔ dyà ma ɔ gàaò gbo.” —Jénésì 2:18, 21, 22

*Nyòun-dyù nì cĭeíndò xwíníin mò à mu dà dò cĭin kánáá pū.

4 ÁÐÒÙÒN KÈ ÎÎ SE GÈÐÈPÓÒ WUÐU NYU



À me bó Sétõè wuḍu òùù gbo tòè fòò cá.

ÁÐÒÙÌ ÑÈ ÎÌ ÑÈ ÑÁ ÑÈ ÑÁÁ-ÐÈ- ÐÁÒ ÑÚ ÇÌÈ ÑÈÌ ÑÈ



“O jèèè, o kúmú ma wa Ídèìn-bàà-ðè-gbàð múìn, bé wa ké ma bóqó kò mú bé o zà ma kà wa kee kùà gbo nyu. O po ma céqò bé kè gàsía bé o bédé nye-mìd kee dé Ídèìn-bàà-ðè-gbàð mú, ... bé wa ké ma hwìè muà dé fèè-cùd gboèè dyí gmò.” —Jénésì 3:23, 24b

Ɔ MÒ MA WÌ-ĐÈ TI BÉ ÁĐÒÙN KÈ 7
ÌÌ NYU MA KÀ NÀMÀÛN WĒ



“Đe kɔ́ dyíɛɛ, Ɔ kè. Gàa dyúáđò dyà ma nàmàÛn bódó-kpàà kɔ́, ké nàmàÛn dyà mé-mé. Ké kǎà mé-mé nyu nyoÛn séin kɔ́ dyíɛ, sepóedé nyoÛn séin đǎ nàmàÛn nyu jè.” —Wódómà 5:12

Đe nìà ke me nì bĕà hwìđjì

Nyo dò-dò séin bédé nàmàÛn-kpòđò-dyùà, ké à mu mĕin wé dòè bǎđǎ, sepóedé nàmàÛn dyà mé-mé. (Zà Wódómà 5:12 wuđúún đe.)

8

GÈÐÈPÓÒ PỌE GBO BÉ Ọ KÉ À NÀMÀŪN XWAŪN PÓÌN KÉ Ọ TÒ MA Ọ DYÚ-GÀÀ DYÚÁÐÒÒ



“Ọ mu gàa-dyù dọ wódó-
ìn, ké m̀ me jùìn dyúò Jízè-
nyènè, sepóedé ọ m̀ nyo
mu ọ nyo bẹ̀d̀ pòìn s̀ìn dẹ
waà nàmàŭn bẹ̀d̀ xwaŭn.”

—Máfìò 1:21

Bé Gèdèpòd̀ dyú-gàà ké nyoŭn-dyù
gbo dyiee, ọ kò bé ọ ké wódó kà dyú-
pèdè nìà ke.

“Sepóedé Gèdèpòd̀ gbo-
hwè-hwè gánád̀ nì dẹ [Jízè]

Kédèi mú, dẹ ọ nyoŭn-dyù-kpòd̀-dyùàd̀ mú.” —Kòd̀sìà 2:9

JÍZÈ MÒ GÈDÈPÓDÒ—ĐÉ Ɔ NYƆŨN- 9 DYÙ-KPÒĐÒ-DYÙÀÒ MÚ

“Hwè bé ɔ sɛ́n ké ma nìe, Wuɔ̀dò nì ma. Wuɔ̀dò nì ma bó Gèdèpódò gbo, ké Ɔ kè Gèdèpódò mò ma nyɔ dyúádò. Wuɔ̀dò zèìn ma nyɔ̀n-dyù mú, ké Ɔ cí ma dé à hwìè.” —Jǒó 1:1, 14a

“Đe sɛ́n bɛ̀ nìà ke kpá ma, bé ɔ bé Bounboð cẽ zǒð dé Ɔ kpáá-dè-cẽ-nyò dò múe ké jǎà kpá. ‘Gmò nō, màa-dyù gmò dò bé Ɔ se toɔ kǒ jè dyuòe mu zùù kǒ nììn, ké Ɔ mu gàa-dyù dò wódòìn, ké Ɔ nyéné mu Ìmádyùè jǔ̀n.’ Nyénédò xwínín mò Gèdèpódò nì à gbo.” —Máfìò 1:22a, 23

“Dyù dò ɔ wódó bó à bì. Gèdèpódò ɔ à gàa-dyù dò nyí. Ɔ mu gǒmànàò jǔ̀n. Ɔ nyéné mu Nyɔ-náún-po-nyò dín-dìn kè Kpé-sɛ́n-bédé-Gèdèpódò kè Sè-ná-sèè-bǎ Ɔ kè Káá bé Ɔ dyà gídǐe jǔ̀n.” —Àzédyà 9:6

JÍZÈ KÉĐÈÌ MÒ SÁA-ZÀÌN-ĐÈ HWÈĨN-HWÈĨNÒ BÓ À BÌ

“Kéđèì se ma nàmàǔn dọ nyu fọ.” —2 Kòđéíntìdò 5:21a

“O se ma nàmàǔn dọ nyu.”

—1 Pídè 2:22a

Sáa-zàìn-dẹ (nyíí-dẹ) bẹ nyoǔn-dyù dọ nyuee se MÚ HWÈ bẹ o ké nyòd nàmàǔn kǔin zìin.

“Sepóedé bídí-bíó-nyòmòdò kẹ wiđi-nyòmòdò se nyoǔn nàmàǔn jẹ dyi zìen béin.” —Hîbúđúù 10:4



Jízè mò Gèdèpódò Báđáá-dyùdò. “Bě gmò dẹa, Gèdèpódò Báđáá-dyù mò nyo zàà bódó-kpàà nyo bẹ nàmàǔn búin nyee niàǒ wè.”

—Jǐó 1:29b

JÍZÈ TÒ Ɔ FÈÈÒ BÉ Ɔ KÉ À PÓÌN 11

Wa kòìn ma Jízè kóḍṣìḍ kōin, sepóedé hwòḍḍ-kōin-nyìnìn-nyò bě nyé ma Ɔ mú. Kee Ɔ mé-méd m̀ Gèḍèpòḍ hwòḍḍè gbò-po-ḍè. Jízè miòùn pèìn ma Ɔ fèèḍ dyi bé Ɔ ké m̀ kè m̀ pòìn.

Jízè ḍá, “Nyò ḍò se ní fèèḍ m̀ xwa zà. M̀ tò ní fèèḍ ḍé m̀ miòùn nìn hwòḍḍè-wṣ-wṣ mú. M̀ bédé kpé bé m̀ kée dyi pèìn, ké m̀ bédé kpé bé m̀ kée dyí ḍú ḍe.” —Jṣṣ 10:18a

À ḌǺ GBǺÀ DYÌÌN ḌÉ GÈḌÈPÓḌÒ BÁḌÁÁ-DYÙÒ NYÒMÒḌÒ MÚ

“Ḍe gbǺà ma kà [ḍṣ ma kà] bḗe se ḍe ké mú gbòḍ kà sébàḍà kè gòḍ gbòḍà mú ke. Ḍe gbǺà ma kà bḗe m̀ Kédèi nyòmòḍ kpa ḍeḍ. Ɔ nì ma kà báḍáá-dyù se kee ḍò bédé, ké ḍe ḍò seà dyìn nyìnìn nyee nyòmòḍ nìà ke.” —1 Píḍè 1:18, 19

SÁA-ZÀÌN-ḌÈ KÀ KÒ ḌÒ SE NÌ BÉ Ɔ KÉ NYÒ NÀMÀŨN BŪÌN ZÀÀ BÈÌN

“À m̀ùn se kee [m̀ú hwè] ḍò bédé dyìn ḍé Ɔ miòùn nìn kpóḍḍ-dyùàḍ tò-tò bé Ɔ nyùn ma dyúáḍò kee mú.” —Hîbúḍùù 10:10b

12 “Ké kà bé Kédèi nyomò dǎà à dyí sédèin [dyí-sédèin-nyò] nyee,
nii, o mu à Gèdèpòd dyodòd xwaún pòin jéé cá.” —Wódómà 5:9

“Ní jè me nì m̀ hwìdǐi, ti nì mu
nì kǎá-bòdòd kǒ muùn wē.”

—Đúù 23:42b

Dyídǐi-nyò
nià ke po
Jízè jè jǎà
ké o pó
ma.



‘M cē m̀ jǎà
gbo, zǎè nià kee,
nì mu dè m̀ gbo
niìn dè pá nòmò
dyiin màà dycún
wē.”

—Đúù 23: 43b



Dyídǐi-nyò nià
ke se Jízè jè
jǎà po ké o se
ma pó.

“Kee Kédèi mé ma bó à bìi ti bé à mò ma nàmǎün-nyò [Ti bé à se
ma Gèdèpòd wudu nyueñ nì] kee.” —Wódómà 5:8a

NYO SÉIN MU GÈDÈPÓÒ DYÚ-GÀÀÒ 13
JÈ JĀĀ POÙN WĒE BÉDÉ FÈÈ

“Sepóedé Gèdèpóò zi bódó-kpàà mú dèbèin
mìò jè, o tò ma o Dyú-gàà dyúádòò, bé
nyoŷn séin mu o hwìdĩĩ tabaùn wēe
ké se mé, kee wa ké sè-ná-sèè
fèè bédé.” —Jǒó 3:16

“O gbǎà à dé tíe-kpòò kpédò xwaún, ké o dyà à o Dèbè-dyùò
káá-bòdòò mú. Dyìin dé o Dyùò múee, à bédé gbǎà-gbǎà,* ké
Gèdèpóò dǎ à nàmàŷn bēdò kōin zìin.” —Kòdǒsìà 1:13, 14

*Gbǎà-gbǎà xwíníin m̀ò dõ-dõ.



“Ké ìnjà bẹ ọ kò ma kà sósó-kpòdò kōe wùdù ma màa bẹ̀dò gbo, ké ọ dẹ, “Bẹ̀n dẹ bẹ bẹ́ ké fẹ̀n. Ḿ dyuò kà bẹ̀ nì Jízè bẹ́ wa kòìn ma kà kóḍòsìdò kōin nyee dyi móun wě. Ọ se dà nì. Ọ dẹ gẪ wóḍó kà ọ nyue ma kà cēe ke. Bẹ́ dyi, bẹ́ bẹ́ ké dè ọ xwédò nì ma kà kee dyé.”

—Máfìò 28:5, 6

“M̀ m̀d̀ nyo ǹà c̀íeń nyee. M̀ mé ma ní, kee dyée, m̀ ǹi c̀íeń, ké ní mu c̀ín kánáá pū. M̀ bédé mé-mé kpé kōin, ké m̀ bédé dè b́e nyo b́e d̄ãà mée ǹà ke [hèè] kpé kōin.” —Wèdèbèdésìd̀ 1:18

“Ké m̀ ǹi c̀íeń jèee, b́e m̀d̀n mu c̀ín d̀ekè.” —J́s 14:19b

Sepóedé Kédèi d̄ã gĩo toun d̄u ké o bédé gĩo kain-dè jèee, à se bédé b́e à ké gĩo dyi fèin.

“Ti b́e f̄ãà mu m̀ nyuun nyènèè kee, m̀d̀ m̀d̀ nyo ní mu hwìd̄j̄i tabaun.” —Wédé 56:3

(Gm̀d̀ cèè-dèè mí 46 kō b́e m̀ ké d̄e b́e Gèdèpòd̀ d̄ain nyo nyénéin nyee dyé.)

JÍZÈ B́ÈIN M̀ PÓIN KÉ O ǸI M̀ BÌ BÀÀŪN

“Kee Jízè m̀d̀n c̀í kánáá pū. O jèee, o bédé kpé k̄aun, ké o bédé kpé kánáá pū, b́e o ké nyo b́e b́e wa dyi Gèdèpòd̀ gbo dyìn d̄é o múee pòin [cá], sepóedé o c̀í kánáá pū, b́e o ké wa bì Gèdèpòd̀ gbo wùd̄ù [baà].” —Hìbúduù 7:24a, 25

M̀ KÈ MÒ KÈ BÈÌN SÈ-NÁ-SÈÈ FÈÈ BÈĐÈÈ



Hwìèdò nyé M̀ nì kpauñ wé?

Jízè Kédèi m̀ sè-ná-sèè HWÌÈ mu dè Gèdèpòdò gboe.

Noó-nàmàün (Sétõ) m̀ hwìè mu dè sè-ná-sèè GÌO ke.

Gàa-dyù nìà ke d̀ hwìè muà dè sè-ná-sèè fèè múe dyí.

HWIÈÒ NYÉ NÌ MU GĀ̀UN WḖ? 17

“...Bě me gā gèdèpòò nyo bě mó bièè dyiee bó zě̀è....” —Jasúé 24:15

“Bó kàǎn wěe, bě me gā fèè, b́é bě kè bě̀è xwíníín-dyù bě̀ò ké cí.” —Dìtòwáqánámè 30:19b

JÍZÈ MÒ HWIÈ MU ĐÉ SÈ-NÁ-SÈÈ FÈÈ MÚE

“Pó-pó dò se nyo kà kò dò mú nì fɔ̀, sepóedé nyéné kà kò dò kò mú à b́èin pòèn nyee dò se nō dyòdè xwíqíi nì nō dé b́èà m̀ò toqo-kǎ-nyò b́èè hwìè.” —Àpòsò 4:12

“Mō d̀òun m̀ò Bounboò, ké nyo-pòin-nyò kà kò dò se bó m̀ waún nì de.” —Àzédya 43:11

18 ĐÉ KỠ JÈ À MÈ GÃÀ JÍZÈ Ɔ JŨ KÉ À DYÌÀ SÈ-NÁ-SÈÈ FÈÈ MÓ NÍ KÉ?

1. *Kékèi mò nyo dyi ma.*



“... Kεε moun dyi, bé nyoun ké fèè
béde....” —Jǝs 10:10

2. *Kékèi mò nyo dèbè à nìin mú ké Ɔ mé à bìi.*

“Ɔ dèbè ma ím mú, ké Ɔ tò ma Ɔ
mìoun bó ní jè.” —Gàdézìà 2:20b

Jízè zèin ma nyoun-dyù mú, Ɔ béde fǝ
kè nyomǝ kà à nìà ke. “Bé dyìin dè Ɔ
mé-méd múεε, Ɔ ké Nǝǝ-nàmǝun mò nyo

bédǎà mé-mé kpé kǒin nyee mú gbòò, ɔ kè bé ɔ ké nyo 19
bě mò ma gĩi dé waà fèè-wè séin mú, sepóedé wa fèin
ma mé-mé kee gbǎà.” —Hîbúǎú 2:14b, 15

3. *Jízè nyomòò dòn bèin nàmàǎn kǒin zǐèn.*

“Fèè nì dé nyomòò mú jèee, ɔ bǎin nàmàǎn kǒin [zǐin
kǒin].” —Đìvéǎékò 17:11b

“Ké ɔ Dyú-gàà Jízè Kédǎi nyomòò wòò à nàmàǎn séin
běò bǎin.” —1 Jǒó 1:7b

“Dyìn dé ɔ Dyúò múee, à bédé gbǎà-gbǎà [pó-pó], ké
Gèǎépòò ǎà à nàmàǎn bẽò kǒin zǐin.” —Kòǎósǎà 1:14



4. *Kédèi m̀ò nyo s̀ò ma kà gĩo kè.*

“Sepóedé à dyuòè dyí kà b́é Gè-
d̀èp̀òd̀ zà ma Kédèi gĩo, ké ̀ se mée
mu d̀e. Gĩo se ̀ kpé k̀óún [wuđuí
k̀ó] k̀ò d̀e.” —Wódómà 6:9

“̀ mé ma b́o nyo séin bìì, b́é nyo
b́ě nià cíeń nyee ké se wa miòùn bìì
cí d̀e, kee b́é wa kéá cí b́o nyo b́é ̀ mé ma, ké Gèd̀èp̀òd̀
zà ma kà ̀ gĩo b́o wa jèee bìì.” —2 K̀d̀éint̀ìd̀ 5:15

Jízè d̀á, “Ké m̀ nì cíeń jèee, b́ě m̀d̀ùn mu cíin d̀ekè.”

—J̀s̀ 14:19b

5. À me béde Kédèi Zùùò dé à mú, bé à ké dyí sò 21
dé sè-náa-sèè fèè mú (ké cí kánáá pū).

“Kédèi nì dé bě mú, ké bě dè ɔ hwòdɔ kɔ, bé bě ké
díín-díín béde.” —Kòdósìà 1:27b

“Nyo mò nyo bé ɔ zàà Jízè gĩo kee, ɔ Zùùò dyi dé bě
mú cín, nìí, nyo mò nyo bé ɔ zàà Kédèi Jízè gĩo kee, ɔ
mu bèè kpódó-dyùà bé ɔ muà méin nyee fèè nyîn dekè
dyìn dé ɔ Zùùò bé ɔ cíà dé bě múee mú.”

—Wódómà 8:11

ḂẸ ME NYUE ḂẸ KÉḂẸÌ ZÙÙÒ KÉ ḂẸ MÚ CÍ

“Nyo mò nyo se Kédèi Zùùò bédein nyee, ɔ se Kédèi
nìn nyo [nyò se Kédèi nìn nyo].” —Wódómà 8:9b



“Ké ọ gbèdèìn ma dyú
ménéé bẹ̀dò hwòdọ, ké ọ
dè ma wa sọ dúún, ké ọ
po ma wa mana kọ.”

—Máà 10:16

“Jízè dẹ̀bè m mú, ké m dyuòè dyí, spóedé Bábòd cẹe náa m gbo.”

“Kεε Jízè dǎ ma dyú bĕ̀ò dé ɔ mìòùn gbo, ké ɔ dǎ, ‘Bĕ 23
tǎ̀a dyú ménéé bĕ̀ò dyi. Wa me dyi í gbo. Bĕ̀ín dǎ bĕ̀
bĕ̀ ké wa dyí bàdà̀ìn, sepóedé wa mò nyo mu Gèdèpódò kǎá-
bòdòdò kò̀ùn.’” —Đúù 18:16

“Kà dyúádòdò kǎ̀a bĕ̀ Bǎ nǎ dé dyóùn wĕ̀e se mó bĕ̀ dyú-
gbóó bĕ̀è dò ké xwáǎ́ún sè [ké se mú gbòò].” —Máfíò 18:14

M se dé kò nyo bĕ̀ m jũe mɔɔ dĕ̀ bĕ̀ m cĕ̀e, Jízè dĕ̀bĕ̀ m mú
ké ɔ mé m bìì. Jízè mó *nì* dĕ̀bĕ̀ín-dĕ̀bĕ̀ínò dĕ̀kè. M bĕ̀ín nyoùn
dyí tèmè̀ìn kà m dĕ̀bĕ̀ Jízè múe dyììn dé ɔ wuɔu nyu-nyu mú.

“Bĕ̀ dyi í mú dĕ̀bĕ̀ín, nǐí, bĕ̀ mu dĕ̀ bĕ̀ bĕ̀ í cĕ̀ bĕ̀ gboeε
nyuùn.” —Jǐó 14:15

“Dyú-gbóóè xwai-nyu-dĕ̀ zà ɔ kpede da.” —Nóó 20:11a

24 KÀ M̀ KÉ HWÌÈ MU ĐÉ GÈĐÈPÓÒ GBOΞE DYI MÓO NYUE

1. *Wóìn mú kà bé m̀ m̀ nàmàǔn-nyò ke (dyé cèè-dèè mí 7).*

“Nyòǔn séin dǎ nàmàǔn nyu, ké wa se Gèđèpóò dín-dìnò
béde.” —Wóđómà 3:23

2. *Dyi Gèđèpóò gbo dyìn dé Jízè Kédèi mú.*

“Sepóedé Gèđèpóò nì dyúáqò, ké nyo dyúáqò m̀ nyo dyà
gìdǐ dé Gèđèpóò kè nyòǔn-dyù púa. O m̀ gàa m̀ Kédèi Jízè
ke.” —1 Tímétè 2:5

“O jèεε, o [Jízè] béde kpé kàǔn, ké o béde kpé kánáá pū, bé o
ké nyo bẽ bé wa dyi Gèđèpóò gbo dyìn dé o múεε pòin.”
—Hîbúqúù 7:25a

Jízè dǎ, “M̀ se nyo bẽ bé wa mu ín gbo dyìn nyεε b́ó [dyi
táà] mu.” —J́ó 6:37b

3. *Bě pòin běè nàmàǔn bě̀d kǒin.*


(Nàmàǔn kǒin-pòin-pòinò xwíníín mò bé m̀ ké nì nàmàǔn bě̀d jè wíin kpá bé m̀ ké wa dyi táà.)

“O jèèè, bě táà bě̀d kpede gbà bě̀d dyi, bé bě̀d ké wa kǒin pòin, bé bě̀d nàmàǔn bě̀d ké dyi gbaà.” —Àpòsò 3:19a

“Bounbòd se m̀e [ku hwòdǒ] bé o ké de bé o dǎà nyéné kee nyu kà bé nyo díe bě̀d pòin hwidjìe. Kee o ku bě̀d jè hwòdǒ, sepóedé o se mó bé nyo d̀ò ké mú gbòd, kee o mó bé nyo séin ké waà nàmàǔn-kpèdèd dyi táà.” —2 Pídè 3:9

4. *Wóin nì nàmàǔnò mú dé Jízè gbo.*

(Nàmàǔn mú-wóin-wóinò mò bé m̀ ké nàmàǔnò jè cē.)



26 Cée vòsì m̀à 1 J́ó 1:9a ǹà cée-d̀èè mí 25 k̄ε.


5. Táà ǹi ǹàmàǎn b̀è̀ d̀yi.

(Ǹàmàǎn d̀yi-táà-táà m̀ò b̀é m̀ “ké ǹàmàǎn b̀è̀̀ gbo s̀ò.”)

“Nyo m̀ò nyo b̀é ɔ b̀áin ɔ ǹàmàǎn d̀ε k̄oin nyεε, ɔ nyuu-d̀è se mú wódóε mu. Kεε nyo b̀é ɔ w̄́in ɔ ǹàmàǎn mú, ké ɔ táà d̀yiεε, Bounbòò mu ɔ w̄́in d̀yéin.” —Ńó 28:13

“Táà d̀ε-gbà-nyu-nyu d̀yi, b̀é m̀ ké d̀éin-d̀è nyu.”

—Wédé 37:27a



6. *M̄ me taba Jízè* *Kédèi hwìdǐí.*

“Sepóedé ɔ jũ ké m̄ dyie mú wòin dé m̄ wíin kà bé Jízè m̄ Bounboò ke, ké m̄ dyie hwìdǐí taba dé nì hwòdǒ-dyùàò mú kà bé Gèdèpòò zà ma ɔ gĩo kee ní, ní, nì mu pòun.”

—Wódómà 10:9

“Sepóedé Gèdèpòò kpedeè-dyí-in-nòmò-nòmòò nyuà ké b̄ pòá dyiin dé hwìdǐí-taba-taba múè.... ɔ se kũà b̄ d̄a nyuee péè-dè, bé nyo dò ní k̄ò d̄a b̄ód̄ó.”

—Ìfísìò 2:8, 9

“M̄ me taba Bounbo Jízè hwìdǐí, ké m̄ kè nì bídí-gbǒ-xwíníin-nyò b̄èò mu pòun.”

—Àpòsò 16:31b

28 7. *Đá Jízè Kédèi dé nì hwòdǒ-dyùàò kè nì fèèò mú.*

Kaà nì hwòdǒ-dyùàò gbǒ-wǒò b́é m̀ ké dé Jízè d́á, ké ɔ mu dé dyìin. Jízè d́á, “Tò d̀ùũ, m̀ nyàà gbǒ-wǒò gboi, ké m̀ nìè kǒún baḍauń. Nyo d̀ò dyi ní wuḍu wǒ, ké ɔ dyi gbǒò kaà ní, ní mu dé ɔ mú dyáùn, ké ní mu dé ɔ gbo ḍe d̀iìn, ké ɔ mu dé m̀óún gbo ḍe d̀iìn.” —Wèḍèbèḍésìò 3:20



“Kee nyo d́íé b́ě kpǒ ma ɔ jè dyi, ké wa taba ma ɔ hwìḍíí. ɔ jèee, ɔ nyí ma wa kpé, b́é wa ké ma Gèḍèpòò dyú b́ě jũ.”

—Jǒó 1:12

BO-BÈ M̀ KÉ KÍDÍÍ SÍ ĐÉ BAÀ-BAÀ M̀ 29

○ jũ ké m̀ sèè baà d̀, ké m̀ dyi gbo kpá-kpá mó ní, nì, m̀ me sí baà-wùd̀ nà ke kídíí:



M̀ bǎ, Bounbo Jízè,

Nì zùo bé m̀ ké bó kóq̀sìd̀ kǒ m̀èin, bé m̀ ké ní nàmàũn b̀èd̀ m̀ b̀ũin zà ke. M̀ kpá wĩn bó d̀e gbà sèin m̀ d̀ǎ nyuèe jè. M̀ nì m̀ dyi dièèn bé m̀ ké d̀e ní hwòd̀d̀-nyuàd̀ mú dyi bé m̀ ké d̀e cí kánáá pũ. M̀ taba m̀ hwìd̀jĩ kàũn, bé m̀ ké ní hwòd̀d̀-nyuàd̀ mú hwo. M̀ d̀ú m̀ dyí bé m̀ ké ní Pòin-nyò kè ní Bounbo jũ.

M̀ baà d̀e nà ke dé nì nyénéd̀ mú, kǎà me nì.


30 JÍZÈ ĐǺ ĐÉ NÌ HWÒĐŎ-DYÙÀÒ MÚ NÌ, KÉ M̄ ĐǺ SÈ-NÁ-SÈÈ FÈÈ BÉĐÉ

“Gèdèpòd ǰǻ à sè-ná-sèè fèè nyí. Fèè nìà ke nì ǰé ɔ Dyúò mú.
Nyɔ bédé Dyúò kee bédé fèè.” —1 Jǫ́ 5:11b, 12a

“Nyɔ m̀d nyɔ bé ɔ wǫ́ ní wuɖuò, ké ɔ taba nyɔ m̀d nyɔ ɖoboà ín
wěe hwìdǰíee bédé sè-ná-sèè fèè. Zaa se ɔ kpǫ́ mu. ɔ ǰǻ mé-mé
mú s̀d, ké ɔ ǰǻ fèè mú mu.” —Jǫ́ 5:24b

Nì kpódó-dyùàò dyi mé ní, nìí, nì mu ǰé Bounboò gbo nìin (2
Kòdǰéintìd 5:8). “Kédǰèi nì ǰé bě mú, ké bě dè ɔ hwòdǰ kǫ́, bé bě ké
dǰín-dǰìn bédé” (Kòdǰsǻ 1:27b).

ɔ jũ ké m̄ dyi Jízè dyi diè bé ɔ ké nì nàmǻn bǝd kǫ́in zǝn, ké m̄ dyi
Bounbo Jízè Kédǰèi jè jǻà po kà ɔ m̀d nì pòin-nyò kee ní, nìí, cèè dà nì
nyénéd bídǰi:



Zà vòsì bě nì dẹ Bábòdò múe
 (Gèdèpòdò wuḡuḡ) wúḡuḡn bó wé
 séín baḡa bẹ̀ m̀ ké wa d́jé bě kpá
 m̀ gboe hwòḡḡ bűin pěin. (Vòsì
 bẹe paḡḡ nì cèè-dẹ̀ nìà ke mú.)

“Ḃe séín bẹ̀ cèè dẹ̀ Gèdèpòdò-cèè-
 dẹ̀ bẹ̀dò múe, Gèdèpòdò m̀ nyo cẹ̀
 wa. Ké wa nòm̀dò dyíin bó nyoḡn
 jǎà-dẹ̀ bẹ̀dò tèmèin [Ḃe m̀ po jǎà ke]
 jè kè dẹ̀ bẹ̀ wa b́i xwaa b́oí po jè
 kè dẹ̀ bẹ̀ se jǎà kee dyí sédḡèin jè ɔ
 kè bó nyoḡn náún-po-po bó dyí-
 sédḡèin-kà cí jè.” —2 Tímètè 3:16

**BAÀ-WÙDÙ BÉ JÍZÈ TÈMÈÌN
MA O ĐEÍN-NÀ-NYÒ BẺÒ KE**

33

(Đeín-nà-nyò mò nyò sí ma Jízè kíqííe.)

Jízè cēe ma o deín-nà-nyò bẽ̀ò gbo bé wa ké kà baà nyu:

“À Bǎ, mò nìà dé dycún wēe, nì nyénè̀ò hwè mú. Nì kǎá-bòqòò me dyi. Wa me nyu nì mós-dè nō bóqó-kpàà kǒ, kà o nyuà nìè dé dycún wē. Nyí à dji-dè bé à kò à ké dī bó zǎ̀e ke. À de gbà bẽ̀ò jè me hwè m̀ hwìqíí, kà bé de gbà bẽ̀ bé nyò bẽ̀ nyuà à búe jè hwèà à m̀dùn hwìqííe. M̀dùn kpàin à mú-dǒ-dǒ mú, kee m̀ me pòin à Đe-gbà-nyu-nyòò xwaún.”

—Máfíò 6:9b-13

Bẽ̀ me cē baà-wùqù nìà ke. Jǎà-po-nyò bẽ̀ baà kà dé wuqu zoo mú.

GÈÐÈPÓÒ GMA ƁAƁA-BÙÈ ƁÈÒ TÈMÈÌN À NÌÌN KÀ ƁÈ À KÉ CÍÈ NYUE

(Ésédò 20)

Gma Kíín-kíín Hīinyeò Cē Gèdèpòò Ìbèbèìn-dèbèìn Jè

1. “Bě dọ ní dǎ b́e b́e ké gèdèpòò kà kò dọ bédé, ọ sèìn ḿ dọ̀n.”
2. “Bě dọ ní dǎ b́e b́e ké kũ̀n-kpò b́e ọ kè dẹ dọ̀ nì dẹ dycò dyíe mwo bódó-kpàd kōe mwo dẹ nío kee hwoìn nyee dọ̀ nyu. Bě dọ̀ ní dǎ b́e b́e ké dẹ nì náa dọ̀ dyúa dú hwudu taba, hwè ḿ po níín, b́e kée biè.”
3. “Bě dọ̀ ní dǎ b́e b́e ké m̄ Bounbo màà b́èè Gèdèpòò kee nyénèò jè pééìn dyi nyùìn.”
4. “Ní f̄-wèd jè m̄e nì b́e hwìd̄ji, b́e b́e kée wáká po bó ḿ bìì.”

Gma Menèìn-dò Sèà Deee Cē À Mũè Nyũ̀n-dyù Mú Ìbèbè Jè

5 “Dyé m̀ ɔ kè m̀ bǎ kpéin.”

6. “Bě ɔ ní ɔá b́e b́e ké kú ɔábá.”

7. “Bě ɔ ní ɔá b́e b́e ké gmaɔe po.” (Gmaɔe-po-po m̀ nyɔ se nì dyú-bǎ moɔ gmaà kee mó-mó.)

8. “Bě ɔ ní ɔá b́e b́e ké dyídí.”

9. “Bě ɔ ní ɔá b́e b́e ké seè-zàse nyu bá b́e m̀ùe ɔ dyí.”

10. “Bě ɔ ní ɔá b́e b́e m̀ùe ɔòè kòò-ɔèè kò-tò ké b́e nyu.”

**À DYI GÈĐÈPÓÒ WUĐU NYUÍN, NÌI,
O MU À BAÀ-WÙĐÙ BÈÒ GŎ JŪÙN**

“Ké ɔe séin b́e b́e à zò o kee, o mue à nyìn, sepóedé à nyu ɔe o cẽe, ké à nyu ɔe dè o hwòdǒ dyie.” —1 Jós 3:22

Gèdèpódò mú-dèbè-dèbè

1. “Ké Jízè jǔ ma ɔ gǔ, ké ɔ dá, ‘Bě me dèbè Bounbo màà bĕè Gèdèpódò kee mú hwòdǒè-dé-hwè-kà dé bĕè kpé sĕín mú.’ Gma nìà ke mò gmaò vènè, ké ɔ mò gma kpa dèò.”

—Máfìò 22:37, 38

Nyo mǔè dò mú-dèbè-dèbè

2. “Ké nyo kpa dè ko bó nyo nìà ke gbo dyíee mò, ‘mè me dèbè m̀ mǔè dò mú kà m̀ dèbèà m̀ mìòùn múe.’”

—Máfìò 22:39

Gma bada-bue sĕín bĕè (cèè-mì 34 kè 35) nì gma vènè sŏè mú.



ÐÈBÈÏN-ÐÈBÈÏN BÚÁ DYÍ KÉ O ZI ÐE SÉIN DYÍ

37

Ðèbèïn-dèbèïn vènèè wuðu-kpà

(1 Kòdèíntìð 13:1-8, 13)

¹M bèin wuðu bě bé nyoũn-dyù poe o kè wuðu bé ínjà běð poe poe, kee m se dèbèïn-dèbèïn bédéin, nìí, m nì kuðu-kuðu nyueñ pū kà kpee wúduà gein-gein nyee nìà ke, o kè kà wa baɗain páni-pià sǒ dyí, ké o nyuà jèin-jèin nyee nìà ke. ²Gèdèpòð bèin m wuðu wíin dèen, bé m kée cē, ké m bèin de séin viè ma nyoũn dyí kíin nye o kè hwòdǒ-fɔnɔ-fɔnɔ séin dyí dyuòè. Ké m bèin hwìdǒí-taba-taba séin bédée, bé m ké toɗo daí zàin, kee m se dèbèïn-dèbèïn bédéin, nìí, m se de kpa fɔɔ. ³M bèin ní kòð-dè séin gǎ-dyé-nyò běð múin geen [nyí], ké m bèin m miòun nìin kpódó-dyùàð nyoũn nyíee, bé wa kée fǒ, kee m se dèbèïn-dèbèïn bédéin, nìí, m see de dò kǒun dyé. ⁴Nyo dò dyi dèbèïn-dèbèïn bédéin, nìí, o ku hwòdǒ [dyé gǎ], ké o kpede nòmò dyiin. O se hwèně bédé, ké o ní

38 6ódó.⁵ Ǿ ní búàìn Ǿ mìòùn dyí, ké Ǿ gmò Ǿ mìòùn dyí nòmò dyíin.

Nyo dò dyi dèbèìn-dèbèìn bédéín, nìí, Ǿ ní vǒ Ǿ mìòùn nìin nòmò dyíin dyé jè. Ǿ ní zàin nyo dò, ké Ǿ ní dèin dè gbà dò xwíníin dyi. ⁶Nyo dò dyi dèbèìn-dèbèìn bédéín, nìí, nyo dò dyi dè gbà [hwe-kpèdè] nyu ní, nyoò jè ní po Ǿ múàǹ, kee Ǿ hwòdǒ dèin dè mǒ jǎà-dè kee múin. ⁷Nyo dò dyi dèbèìn-dèbèìn bédéín, nìí, Ǿ màin dè séin mú, ké Ǿ taba dè séin hwìdǹí. Ǿ dè dè séin dyé jè hwòdǒ kǒ, ké Ǿ kùn dè séin hwòdǒ. ⁸Dèbèìn-dèbèìn se mánáin-hwèin-naín dò kǒ. Kee dè bǛ bǛ Gèdèpódò dèin nyoǹn wíin nyee, Ǿ cǛ-cǛ jè mu dyi ziin. Ké wudu kà kò dò mú-wùdùn-wùdùn mu bói kpàùn. Ké hwòdǒ-fǹnò-fǹnò jè mu dyi ziin.

¹³Ǿ jèee, dè tǎ bǛa kee, wa mu nìin kánáá pū. Wa mǒ hwìdǹí-taba-taba kè dè-hwòdǒ-kǒ-dè-dè Ǿ kè dèbèìn-dèbèìn. Kee Ǿ nyo mǒ dè kpa dè mìò dè wa hwìè kee mǒ dèbèìn-dèbèìn.


GÈDÈPÓDÒ MÒ DÈBÈÌN-DÈBÈÌN

“Gèdèpódò mǒ dèbèìn-dèbèìn, ké nyo séin bǛ cí dè dèbèìn-dèbèìn múee cí dè Gèdèpódò mú, ké Gèdèpódò cí wa mú.”

—1 Jǒó 4:16b

BĚ GBO CĚ

(dẹ taún, dẹ sùkúù, dẹ còcì, Ǿ
kè dà séín)



Jízè dǎ, “Mu m̀ bídí-taún dẹ
nì nyo běd gbo, bé m̀ ké dẹ
séín Bounboð dǎà m̀ bìi nyue
kè kà Ǿ dyé m̀ wĩn nyee jè
cĚ.” —Máà 5:19b

40 KÀ M ƁÈÌN GÈÐÈPÓÒ DYÚ JÉÉ DYÍ DYUÒÈ KE

“Bě dyi mú ɖeɓeìn ɖeɓeìn ní, nìí, nyɔ̃n séin mue dyí dyuòùn kà bé ɓě mò ní ɖeín-nà-nyò ɓěε.” —Jǒó 13:35

“Kεε ɓo Zùùò tòdò keε mò ɖeɓeìn-ɖeɓeìn kè múà kè gìdǐ kè hwòdǒ-ku-ku [mú ma-ma] kè hwòdǒ-kǒin-nòmò-nòmò kè kpeɖeín-nòmò-nòmò kè hwòdǒ-kǒ-dè-dè kè nyɔ-mìòùn-bídǐi-dyà-dyà ɔ kè nyɔ-mìòùn-dyí-kpǒ-kpǒ.” —Gàdézìà 5:22, 23a

GÈÐÈPÓÒ DYÚ JÉÉÒ ZÌIN NYO Tǒǒ ƁÈ KǒIN

“Ɔ jǔ ké ɖe gbà [hwe-kpèdè ɓě] ɓě bé nyɔ̃n nyu ɓě ɓǔε jè dyi ɓě hwìdǐi hwè ní, nìí, ɓě nìin ɖe gbà ɓěò jè mu ɓě Ɓǎ nìà ɖé dyòún wεε hwìdǐi hwèin ɖekè.” —Máfìò 6:14

ƉE MÈNÈÌN-SÓ ƁÈ GÈÐÈPÓÒ NYÉ MÚE

“Wa mò nyɔ-mìòùn-dyí-ɓúàin-dyèdè kè se-tómó-mìdò kè sǒ bé ɔ ɖábá nyɔ se ɖe gbà dò nyue kè hwòdǒ-dyùà bé ɔ só ɖe gbà dyíε kè ɓo bé ɔ fèin xwa ɓó ɖe gbà nyué mu jèε kè seè-zàse-nyu-nyò ɔ kè nyɔ bé ɔ po zàǔn-zàǔn dyi ɓó wódó-wódó ɓě púa ke.” —Nóó 6:17-19


“Ðe bé nyoŭn-dyù nyu, sepóedé o m̀ wa mìòùn nìin m̀ó-dè kee, o nì wáǵáá. Wa po gbàǵàùn, ké wa nyu nàmàŭn-kpèdè gbà [po gmaǵe], ké wa zi jíí. Ké wa biè kũ̀n-kpò, ké wa nyu hwĩ̀. O nyue ké nyo bédé nyéín-nyéín, ké wa v̄. Wa bédé hwèně kè dyoǵo, ké wa v̄ wa mìòùn bìi. Wa ge mú, ké wa zi nyoŭn gbo kpoǵo-kà. Wa m̀è b̄è ǵe b̄e jè po wa hwèněin. Wa ná, ké wa pa hwo. Ké wa nyu ǵe kò-kò nì kà b̄ea. M̀ po b̄e náún kà m̀ po ma kà b̄e náún kíin nye, kà nyo b̄e bé wa nyu ǵe b̄e nì kà kee se ǵe Gèdèpòǵ káá-bòǵòǵ mú pá ǵò k̄ǵ muè.” —Gàǵézià 5:19-21

“... M̀o nyo b̄e nyuà wa m̀è d̄e-d̄e b̄e... m̀o dyíǵíí-nyò ... nyo-ǵe-gana-xwa-zàin-nyò b̄e.” —1 Kòǵéint̄iò 6:9, 10a

WÓ BÉ JÍZÈ KÉ O ZÙÙÒ M̀ M̀ÚIN DYÎIN BÈ O KÉ M̀ M̀Ú HWO

“Káà b̄e ǵíe b̄e nyu ma n̄è. Kee b̄è nàmàŭn b̄e ǵà b̄e b̄uin dèdè, ké b̄e ǵà ma Gèdèpòǵ k̄ò-d̄e j̄, ké b̄e ǵà ma dyí séǵéin [m̀ú hwè] bó Gèdèpòǵ gbo, ǵe Bounbo Jízè Kéd̄éi nyénéd mú o kè ǵe à Gèdèpòǵ Zùùò mú.”

—1 Kòǵéint̄iò 6:11



(Zà Đúù 16:19-26 wuđúún.)

Taba Jízè Kédèi hwìdǐí kódó-kódó ké ɔ mu nì nyénèdè dè fèè-cèè-dèdè mú céèìn.

“Ké wa po ma nyo bǐ kǒ nyéné se ma fèè-cèè-dèdè mú céèèe nye-gbà-wǒdè mú.”

—Wèdèbèdèsìdè 20:15

JÍZÈ ĐÒÙN MÒ HWÌÈ MU ĐÉ GÈĐÈPÓÒ GBOE

43

“Gèdèpóò dǎ à sè-ná-sèè fèè nyí. Fèè nìà ke nì dé ɔ Dyúò mú.”
—1 Jǐó 5:11b

“Sepóedé de bé nàmàǎn pèè nyo kee mò mé-mé, kee de bé
Gèdèpóò nyí nyo bó pídyiee, ɔ mò sè-ná-sèè fèè dé Kédèi Jízè
mòà à Bounbòò kee mú.” —Wódómà 6:23

“Nyo mò nyo bé ɔ taba Dyú-gààò hwìdǐiee bédé sè-ná-sèè fèè.
Nyo mò nyo bé ɔ se Dyú-gààò wuɖu nyuee se fèè bédée mu
fɔɔ, kee Gèdèpóò dyoɖo mu ɔ kǎ nìin kánáá pū.” —Jǐó 3:36

“Ké Jízè cēe ma ɔ gbo, ké ɔ dǎ, “Mō mò hwìèò. Mō mò jǎàò.
Mō mò fèèò. Nyo dò se dé Bǎò gbo muε béin, ɔ mùin dye dé ín
mú hwè.” —Jǐó 14:6

44 DÀ MÒÀ DYÓÚN WĒE JÈ MÒ JĀÀ



Dyí-tèmèin-dè Jǒó dyéa dè Wèdèbèdésìò wuḍu-kpà 21 múe, o dyé ma dyòò dḗ dò kè bódó-kpà dḗ dò.

“O mu wa mícè sèin dyédéin dyi sámáun. Mé-mé dò se niě mu dè. Kpé-po-po dò se niě mu dè. Vĩ-vĩ dò se niě mu dè. Nyò-dè-puà-puà dò se niě mu dè. Sepóedé dè bě ni ma kíin nyee dǎ dyi zi.” Ké nyò dèdè ma kà zèèò kǒ dya kee dǎ, “Dyéé, ín ni dè sèin nyueń, bé wa ké dè dḗ jǔ.” —Wèdèbèdésìò 21:4, 5a

Jǒó dyé ma hwòḍḍ hwèin-hwèin m̀à Jèḍúsèdèin dḗèè ke ké o ni dyóun sòun dè Gèdèpòò gbo. “Ké hwòḍḍò mò ma gòò saá-saá. Nyòun bèin ma múin dyèèn kà nyò dyèàin sèbèè-vìḍì múin nye. Wa bèin ma hwòḍḍò gmòò hìḍì-kpà bèè dè sòò kpa dè kò-kò bě mú.” —Wèdèbèdésìò 21:18b, 19a

JÍZÈ ĎĀ MU ĚÉ Ć KÉ NYĆ ĚĚ MU Ć 45 HWÌĎĪĪ TABAÙN WĚE BÌÌ PÁ ĎÒ NABAÀ

“Ké Jízè cěe ma Ć đeín-nà-nyò běđ gbo, ké Ć đá, “Běin đá bé běě hwòđđ ké đé đei kpá. Bě taba Gèđèpòđ hwìđĵĵĵ, bé bě ké móún hwìđĵĵĵ taba đekè. Bí-dyù báún-báún nì đé m Bă bíđĵĵ-gbòŷn, ké m nì mueń, bé m ké bě bìì pá đò nabaà. Ć seó má ná nĵn, m seó bě đe nà ke gbo cěé mu. Ké Ć ĵĵ ké m dyi mu, ké m dyi bě bìì pá đò nabaà ní, nĵ, ní mu đe dyiìn, bé m ké bě m mìòún gbo dyà, bé bě ké đè ní muà nĵn nyee nì đekè.” —Jós 14:1-3

CĚ BŎNÒMÒ ĐYÍIN NÌÀ KEE NÌ MŬÈ ĚĚ GBO

Jízè đá, “Bě mu bódó-kpàà dà séin, bé bě ké bŷ nòmò dyiìnđ jè zio po đé nyòŷn séin gbo.” —Máà 16:15b

“Ké nyò bé Ć pòin Ć mŷè đòee mò hwòđđ-fònd-nyò.” —Nós 11:30b

ÐE ʔĚ GÈÐÈPÓÒ ÐÀÌN Ɔ DYÚ ʔĚÒ NYÉNÉÍN NYE

“M se ʔě dyi táă mu fɔɔ, ké ʔě jè se m hwìdǽi sòǝ mu fɔɔ.”

—Hîbúǵúù 13:5b

“Gèðèpòò mu Ɔ ínjà ʔèò tòùn, ʔé wa ké m dyí gmò dè káìn séín
ní mu muùn wē.”

—Wédé 91:11

“Ké nyɔ ɔ̀ò se wa m ʔă xwaún zàà ʔéìn.” —Jǝs 10:29b

“Ké Ɔ me ní ʔě hwìdǽi kà ní mu ʔě gbo nììn tee, ʔé ɔ̀e
séín ké mánáìn hwè ke.”

—Máfìò 28:20b

“Mòǹn fèìn ʔó gǎ m muà dyèìn kàǹn wēe jè.
... M me mò hwòdǝ-kǝ-dè-nyò tee ʔé m ké mé. Ké ní
mu m fèè-gbààò nyîn.”

—Wèdèbèdésìò 2:10

“À dyi ɔ̀e tíe-kpò mú dyi kò ní, Bounboò mu à ce
jǹùn.”

—Mákà 7:8b

“M dyi m ɔ̀a ní, ní mu m gǝ jǹùn.” —Jèdèmádyà 33:3a



Nyo dò-dò séin mu gĩo sòùn.

“Sepóedé ti dọ̀ nì dyieŃ, ké nyoũn séin bẹ̀ dǎà mé, ké wa dǎ ma wa dyódóún zàa mu ọ̀ wuqu wòùn, ké wa mu waà gmàà bẹ̀d mú sòùn. Nyo bẹ̀ bé wa dǎ ma nòmò dyiin nyuee mu gĩo wódóùn, ké wa mu fèè bédéin. Ké nyo bẹ̀ dǎ ma ẹ̀ gbà nyuee mu gĩo wódóùn, ké zaa mu wa kpòùn.” —Jǐó 5:28b, 29



Nyo bẹ̀ méàin ẹ̀ Kédéi múe mu gĩo sòùn kíin.

“Níí, à mò nyo bẹ̀ mu cíeń nìin bó tia baɗaa, à kè wa mu gbo kpain wàdà cá ẹ̀ ní-kpòd mú, bé à ké Bounboð hwĩ kpò ẹ̀ dyòd dyí. Níí, à kè Bounboð mu dà dyúádò nìin kánáá pū.” —1 Tèsàdónià 4:17

“Bẹ̀ me ma mú, bé bẹ̀ ké bédé kǒ nì, sepóedé bẹ̀ se ti wéd mu dyiin nyee dyí dyuò.” —Máà 13:33b

48 XWĚ JÍZÈ MU ĐE DYIE NYUÙN WĚ?



“Gmò nō, ɔ nì ní-kpò dọ mú dyièn. Dyédé sèin mu ɔ dyèin.”
—Wèdèbèdésìd 1:7a

Bě me ma mú bó nyo bě dāin wa miòun kédèi kè kpáá-dè-cē-nyò bēee jè.

“Nyo dọ dyie bě gbo cē, ké ɔ dyi níin, ‘Gmò nō, kà Kédèid nì ke,’ mɔɔ ‘Kà ɔ nì dèe’ ní, nìi, bě ní po nyoð wuquð jãà. Nyo dọ dyie bě gbo cē, ké ɔ dyi níin, ‘Gmò nō, Kédèid nì dé gbàun-fúqúád kō’ ní, nìi, bēin mu dé. Ké ɔ dyie cē, ké ɔ dyi níin, ‘Gmò nō, ɔ nì dé gbòð gbɔɔ’ ní, nìi, bēin poe jãà.”
—Máfìd 24:23b, 26b

JÍZÈ MU NÍ-KPÒ ĐÒ MÚ DYIÌN WÀĐÀ CÁ ĐÉ DYÒÒ DYÍ

“Mō Nyoùn-dyùè Dyú-gààd dyi dyieñ nìin, ɔ mu nìin kà wédé-wédé poà, ké ce fàin dyòd gánàd dyiin, sòin dé dyódó-xwáqáún-wóqòin-naínò, bé ɔ kèà dé dyódó-dyi-kpàin-naínò mue. Ti wa mu mō Nyoùn-dyùè Dyú-gààd dyèin nyee, ní mu dé dyóún sòun, ké ní mu ní-kpò dọ mú dyiìn dé kpé kè díin-díin vèné mú.”
—Máfìd 24:27, 30b

ḂÁḂÁÁ-DYÍ-GMÒ-NYÒÒ

(Wédé 23)

¹Bounboò m̀ò m̀ dyí-gm̀-nyò kà bádáá-dyí-gm̀-nyò gm̀à bádáá dyíe. Ǿ jèee, m̀ se de d̀ò kpédée mu. ²Ǿ kpa m̀, b́e m̀ ké dyi ṕe dé p̄iĩ b̀èd̀èè-b̀èd̀èè gb̄a b̀èò mú. Ǿ kpa m̀ bó zii-ni p̀èè b̀èò gb̄iĩ. ³Ǿ po ní zùùò kpéi de. Ǿ kpàin m̀ dé hwìè séd̀èin dyíee xwíníin, bó Ǿ nyénèò jè.

⁴Kebì m̀ me nà dé ḡiõ tíe-kpòè boò múee, m̀ se f̀àà d̀ò pedee mu, sepóedé Bounbo, m̀ ni bó m̀ gbo. Ni bádáá-dyí-gm̀-nyò-bà-cùò kè ni kùì-kpàò, wa m̀ò m̀ dyí-gm̀-nyò-dè. ⁵M̀ nabaà tébèdè d̀ò bó m̀ bìi, bó ní mú-nyé-nyò b̀èò dyédé waí. M̀ kp̄õ ní jè dyi dyiin dé m̀ cáná nòmmò nyóún dúún po-po mú. M̀ dyiin ní kópòò, ké Ǿ z̄iin dyi.

⁶Jáà jéé, ni kpedee dyiin-nòmmò-nòmmò kè ni d̀èb̀èin-d̀èb̀èin se-sèin-naín-k̀òò mu bó m̀ gbo n̄in dé ní f̀èè-wè séin mú. Ké ní mu dé ni gbòò mú c̄iin kánáá p̄u.

Ì dyi Gèdèpòò-wùdùò dǐé bǎ mó dẹ ní, nìí, cée nyo bǎ nìà kε gbo.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

Nyo ní peḍe cée-dè nìà kε

www.wmpress.org

10-17



Read booklets online or by App
www.wmp-readonline.org

2313 Bassa Liberian WTG

